

Allakkat toqqorsivimmiititat pillugit Namminersorlutik Oqartussat nalunaarutaat

Allagaateqarfeqarnek pillugu Inatsisartut inatsisaat nr. 5, 3. juni 2015-imeersumi § 8, § 10, § 11, imm. 1 aamma § 13, imm. 2 naapertorlugu kiisalu Nunatta Katersugaasivianik Allagaateqarfianillu aamma Kalaallit Nunaanni Kommunit Kattuffiannik, KANUKOKA, isumaqatigiinniarnertit malillugit, aalajangersarneqarpoq:

Kapitali 1

Atuuffia

§ 1. Nalunaarut inatsisaat Namminersorlutik Oqartussani Kalaallit Nunaannilu kommunini ingerlatsivinnut tamanut atuuppoq.

Imm. 2. Nalunaarut sullissiveqarfinnut, ingerlatseqatigiiffinnut, peqatigiiffinnut il.il., pisortat ingerlatsiviitut naatsorsuunneqarsinnaanngitsunut aamma atuutissaaq, kisianni allagaateqarfeqarnek pillugu Inatsisartut inatsisaanni § 1, imm. 2 naapertorlugu inatsisartut inatsisaanni ilaassanngitsoq Naalakkersuisut aalajangerput.

Imm. 3. Oqartussaqrarfiit, sullissiveqarfiit, ingerlatseqatigiiffiit, peqatigiiffiit il.il. imm. 1-2-lu ilaatinneqartut tulluuttuni pisortat sullissiveqarfiisut taagorneqassapput.

Kapitali 2

Suliarinninneq toqqortaqarnerlu

§ 2. Pisortat sullissiveqarfiutaasa toqqortaatimik, matumani ilanngullugit elektronikkimik toqqortat, piffissami sukkulluunniit Nunatta Katersugaasiviata Allagaateqarfiatalu allagaateqariaatsit akuerisai isumannaatsumik suliarineqarnissaat toqqortarineqarnissaallu isumagissavaat.

Imm. 2. Pisortat sullissiveqarfiutaasa toqqortatik pisortat sullissiveqarfisa allat toqqortaataannit immikkoortissavaat.

§ 3. Pisortat sullissiveqarfiutaasa allakkanik toqqorsivimmiititanik suliaqarnerminni toqqortaqarnermilu, matumani ilanngullugit pappiarat uppersaataasut aamma elektronikkimik sulianut uppersaataatillu aquunnerinut ataqatigiisumik aqqissuussinerit (ESDH-mik ataqatigiisumik aqqissuussinerit) uppersaataatit digitalinngortitanut allagaatinut sikaaviit ataqatigiisumik aqqissuussinermut tamatumunnga naleqquttut atussavaat.

Imm. 2. Ataqatigiisumik aqqissuussinerit atorneqartut imatut periuseqarluni

aaqqissuunneqarsimassapput, inunnut attuumassuteqartut imaluunniit paasissutissat allanut oqaatigeqqusaanngitsut nassuitsumik oqaatigineqartunut aamma piviusorsioertumik siunertaqartunut, matumani ilanngullugit oqaluttuarisaanermut, kisitsisit atorlugit nassuiaasiornermut imaluunniit ilisimatusarnermut atasumik siunertanut taamaallaat atortinneqarsinnaassasut qularnaassallugu.

§ 4. Pisortat sullissiveqarfutaat atorunnaarsinneqarpat, pisortat sulliviutaannut suliassa qarfimmik tiguisumut suliffeqarfiup allanut toqqorsivianiittut suliarissallugit toqqortarineqarnissaallu akisussaaffigissallugit pisussaavoq.

Imm. 2. Pisortat sulliviutaannit suliassa qarfik tiguneqanngippat, Nunatta Toqqorsivianut allakkat toqqorsivimiititassat tunniunneqassapput. Pisuni taamaattuni pisortat sullissiveqarfutaannut atorunnaarsinneqartumut tunngatillugu tassunga qulliunerusumik oqartussaasoq pisussaavoq allakkat toqqortaasivimiitit atunniunneqarnerinut akisussaassalluni.

§ 5. Pisortat sullissiveqarfata suliassa qarfiisa pisortat sullissiveqarfiannut allamut nuunneqarneranni, toqqortat sulianut inaarneqanngitsunut tunngassuteqartut pisortat sullissiveqarfutaannut suliassa qarfimmik tiguisumut nuunneqartassapput.

Imm. 2. Toqqortat allat Nunatta Katersugaasivianut Allagaateqarfiannullu nuunneqarnissamik tungaanut allagaateqarfeqarneq pillugu Inatsisartut inatsisaanni § 12 naapertorlugu pisortat sullissiveqarfutaanni nuussimiiginnartassapput. Toqqortat taamaattut pisortat sullissiveqarfutaannut tiguisumut nuunneqartarnissaat Nunatta Katersugaasiviata Allagaateqarfialu pisuni immikkut ittuni akuerisinnaavaa.

Imm. 3. § 2, imm. 2-imi aalajangersagaq aamma atuutissaaq imm. 1 aamma 2 naapertorlugit toqqortaatinik nuussisoqarnerani.

Imm. 4. Pisortat sullissiveqarfutaasa akornanni suliassa qarfinni nuussinermi sullissiveqarfiit attuumassuteqartut toqqortaait agguataarneqarnissaat pillugit malittarisassat imm. 1-3 naapertorlugit aalajangiissapput.

Toqqortaait IT-mi ataqatigiisumik aaqqissuussaniittut immikkut suliarineqartarnerat toqqortarineqarnerallu

§ 6. IT-mi ataqatigiisumik aaqqissuussaniittut allakkanik ilallit suliamut allakkat tamarmik attaveqartinneqassapput

Imm. 2. Suliata tamaasa pillugit paasissutissat nalunaarsorneqassapput, suliap suussusersinnaaneranut nassarinissaalu periarfissiuunniarlugit, matumani ilanngullugit:

- 1) suliap normua,
- 2) suliap taaguutaa,
- 3) suliamut akisussaasoq aamma
- 4) allakkanik nalunaarsuiffeqarneq, imaluunniit nalunaarsuineq nalunaarsuinermit suleriaatsimut allamut naapertuuttoq takuuk § 15, imm. 2.

Imm. 3. Paasissutissat imm. 2-mi allaaserineqartut ataqatigiisumik aaqqissuussami tabelip oqaluttuassartaata ataatsimut nassuiaataani imatut uppersarsarneqassaaq, oqaluttuassartap ataatsimut nassuiarnera allagaateqariaatsimut ilanngussinnaassalluni.

§ 7. Suliat ataasiakkaarlutik paasissutissartaat nalunaarsorneqassapput, suliap suussusersinnaaneranut nassaarinissaalu periarfissiuunnarlugit, matumani ilanngullugit:

- 1) allakkap taaguutaa,
- 2) allakkap ullulernera,
- 3) allakkanut isertunut anisunullu: nassiussisoq/tigusisoq,
- 4) toqqorsivimmiiteriaaseq aamma
- 5) suliamut ilaaneq.

Imm. 2. Paasissutissat imm. 1-imi allaaserineqartut ataqatigiisumik aaqqissuussami tabelip oqaluttuassartaata ataatsimut nassuiaataani imatut uppernarsarneqassaaq, oqaluttuassartap ataatsimut nassuiarnera allagaateqariaatsimut ilanngussinnaassalluni.

§ 8. IT-mi ataqatigiisumik aaqqissuussami, oqartussaasunit arlalinnit atorineqartumi, suliami uppernarsaatinilu nalunaarsuiffimmi, oqartussaasup sorliup suliaasaq uppernarsaalluunniit nalunaarsorsimaneraa takuneqarsinnaassaaq.

§ 9. Tassunga immikkut illuinnartumik tunngavissaqartillugu §§ 5-8-mit Nunatta Katersugaasiviata Allagaateqarfialu immikkut ittumik akuersissuteqarfigisinnaava.

IT-mit ataqatigiisumik aaqqissuussamit paasissutissanik uppernarsaatitaanilluunniit allagaateqariaatsit

§ 10. Allagaateqariaaseq tassaavoq paasissutissanik aaqqissuussineq, paasissutissat imarisai aamma allagaateqariaaseq pillugu paasissutissiineq.

Imm. 2. Allagaateqariaaseq paasissutissanik paasiuminaallisakkanik imaqassanngilaq.

Imm. 3. Allagaateqariaaseq piffissami killilimmeersunik paasissutissanik aallakkanilluunniit eriaginnartumik tamanik, paasissutissanik iluarsiiffigineqartarunnaarsimasunik ilaartorneqarunnaartunilluunniit, imaluunniit piffissami aalajangersimasumi piffissarpiamik takussutissatut ilusilernerqartunik paasissutissanillu allagaatinilluunniit eriaginnartunik tamanik imaqassaaq.

Imm. 4. IT-mi ataqatigiisumik aaqqissuussamit allagaateqariaatsimi allagaatit nalunaarsuinnermut piffissaq nikisinnagu suliarineqarpata imaluunniit nalunaarsuinnermut piffissap nikisinneranut atatillugu allagaatinik piffissamut nutaamut nuussinnermi, allakkat allagaateqariaatsimut ilannguttut, IT-mi ataqatigiisumik aaqqissuussami imatut periuseqarluni nalunaaqutserneqassapput, allagaateqariaatsini tulluuttuni pinngitsoorneqarsinnaallutik.

Imm. 5. Allagaateqariaatsit allatigut tassunga najoqqutassanut, matumani ilanngullugit filet qanoq ittuunissaat paasissutissallu ilusissaat pillugit Nunatta Katersugaasiviata Allagaateqarfialu aalajangersagaanut naapertuutissapput. Najoqqutassiat Nunatta Katersugaasiviata Allagaateqarfialu nittartagaani tamanut saqqummiunneqassapput.

§ 11. Allagaateqariaatsimi paasissutissanik ilusilersuineq imaappoq:

- 1) mappit ilusilersorneri,
- 2) atassuteqarnermut paasissutissaateqarfiup ilusilersornera 1-itut nalinginnaasumik ilusilerlugu qaffasinnerusunngorluguluunniit, indexfile tableIndex.xml-imi oqaatigineqarpoq

3) XML-imimi indexfilet allat, allagaateqariaatsimi pingaarnertut imarisaa pillugu paasissutissanik ilusiliisut, filet tamakkerlugit allagaateqariaatsimi, uppersaarsaatit ataqatigiinnerini aamma digitalikkut uppersaarsaatitarisinnaasaani.

§ 12. Paasissutissat imarisai makkuupput:

- 1) tabelip imarisaani paasissutissat pissusii assigiissaakkat aamma
- 2) digitalikkut allagaataasinnaapput, nipit, videot aamma nunap sananeqaataanut tunngasut paasissutissatut angissusilersorlugit assigiissaakkat.

§ 13. Allagaateqariaaseq pillugu paasissutissat makkuupput allaffissornermut atugassatut, paasissutissat imarisaannik IT-milu ataqatigiisumik aqqissuussaq

Kapitali 3

Nalunaarutiginninnerit akuersissuteqarnerillu

Nalunaarsuisarnernut toqqortaateqarnernullu pilersaarutit aamma nalunaarsuisarnermut ilitsersuutit

§ 14. Pisortat sullissiviutaat nalunaarsuisarnernut toqqortaateqarnernullu pilersaarutit aamma nalunaarsuisarnermut ilitsersuutit, taakkua atorineqalersinnaagit Nunatta Katersugaasivianit Allagaateqarfianillu akuerineqartussanik suliaqassapput.

§ 15. Nalunaarsuisarnernut toqqortaateqarnernullu pilersaarutit tunngaviusut imaattut malillugit ineriartortinneqassapput:

- 1) pilersaarut sammisanut immikkoortiterneqassaaq,
- 2) suliffeqarfiup suliassamik ingerlatsinerani suliassaqaqfini sammisat immikkoortiterneqassapput aamma sullissiveqarfiit aqqissuussaanikkut ilusilersorneri pineqassanngillat,
- 3) nalunaarsuisarnernut toqqortaateqarnernullu pilersaarutit qaffasissutsinut immikkoortiterneqarsimassapput aamma
- 4) qaffasissutsit amerlassusaat sullissiveqarfiup pisariaqartitaanut killiliussat iluanni sapinngisamik killilersimaneqassapput.

Imm. 2. Suliffeqarfiup suliassat qanoq ittuuneri killeqartut taamaallaat suliarisarpagit nalunaarsuisarnernut toqqortaateqarnernullu pilersaarut pillugu piumasaqaammut Nunatta Katersugaasivia Allagaateqarfialu immikkut ittumik akuersissuteqarsinnaapput.

§ 16. Nalunaarsuineri ilitsersuut makkua allaaserinerinik imaqassaaq:

- 1) Oqartussaasup sulisaasianut suliallu ingerlasarnerinut tunngatillugu:
 - a) Suliassanik allakkanillu atsiineq,
 - b) Suliat pilersinneqarneri matunerilu, aamma
 - c) Ataqtigiiisumik aqqissuussamik nalunaarsuinerup, matumani ilanngullugit ataqtigiiisumik aqqissuussaq atajuartinniarlugu malittarisassat allaatigineqarneri atorineqarnerilu.
- 2) Suliassaqaqfiit allanngortinnerinik suliaqarneq.
- 3) Nalunaarsuineri piffissat killillit.

4) Ataqtatigiisumik aaqqissuussami nalunaarsuinerit pitsaassutit qularnaariffigineri aamma nalunaarsuinerimik suleriaatsip nakkutigina.

5) Nunatta Katersugaasivianut Allagaateqarfianullu tunniussinermut atatillugu ingerlatseriaaseq.

Imm. 2. Allagaataasivimmut inissiinerimi IT-mik ataqtatigiisumik aaqqissuussaq atorineqarpat, saniatigut nalunaarsuinerimut ilitersuut allaatiginneqartunik makkuninnga imaqqassaaq:

1) Ataqtatigiisumik aaqqissuussap siunertaa imarisaalu, matumani ilanngullugit oqartussaasup ataqtatigiisumik aaqqissuussaanut allanut ataqtatigiissuteqarneq.

2) Toqqorsivimmiititsinerup annertussusiata aqunneqarnera, matumani ilanngullugit immaqa allakkat pappiarat il.il. IT-mi ataqtatigiisumik aaqqissuussat nalunaarsorneqartut, ataqtatigiisumik aaqqissuussami toqqortaangitsut toqqorneqarneri.

3) Ataqtatigiisumik aaqqissuussami filet pissusii akuerisat.

4) Ataqtatigiisumik aaqqissuussamik atorussat assingisa scannereri digitalisererneriluunniit.

5) Ataqtatigiisumik aaqqissuussanik allanngortitsineq.

§ 17. Nalunaarsuisarnernut toqqortaateqarnernullu pilersaarutit imaluunniit nalunaarsuinerimik ilitersuutip akuersissutigineranut atatillugu Nunatta Katersugaasivia Allagaateqarfialu taakkua siunissami atajuartinniarlugit atugassanik aalajangersaasinnaapput.

Imm. 2. Nalunaarsuisarnernut toqqortaateqarnernullu pilersaarutit imaluunniit nalunaarsuisarnernut ilitersuutit allanngortinneri Nunatta Katersugaasivianut Allagaateqarfianullu nalunaarutigineqartassapput tassanngalu akuersissutigineqarlutik.

Imm. 3. Taamaattorli allanngortitsinernut piumasarineqartunut mikinerusunut pisortat sullissiviutaasa namminneq nalunaarsuiffimminnik toqqortaateqarnermillu aaqqissornissaannut, matumani ilanngullugu nalunaarsukkat normuinik pilersitsinermut allannguinerimullu Nunatta Katersugaasivia Allagaateqarfialu immikkut akuersissuteqarsinnaavoq.

Nalunaarutiginninnerit akuersissuteqarnerillu allat kiisalu ingerlatseriaatsit

§ 18. Naalakkersuisuni suliassaqarfiit allanngorneri Nunatta Katersugaasivianut Allagaateqarfianullu nalunaarutigineqassapput.

Imm. 2. Suliassaqarfiup allanngorneranut imaluunniit nalunaarsuiffimmut ilitersuummi tassunga uppersaanikkut nalunaarutiginninneq pissaq. Nalunaarummi § 17, imm. 2 sioqqutsisumik nalunaaruteqarneq akuersissuteqarneq pillugu piumasaqaammi nalunaaruteqarneq ilaanngilaq.

§ 19. IT-mik ataqtatigiisumik aaqqissuussani, paasissutissanik katersisuni toqqortuissunilu, oqartussaasut sulinerannut (digitalimik ingerlatsinermut atorut) atatillugu pilersinneqartut imaluunniit pissarsiarineqartut, Nunatta Katersugaasivianut Allagaateqarfianullu nalunaarutigineqassapput, tamatuma kingorna ataqtatigiisumik aaqqissuussap paasissutissat imarisai iluatinnartuunersut naliliissaaq. Taamaassappat Nunatta Katersugaasivianit Allagaateqarfianillu akuersissutigineqassapput.

Imm. 2. IT-mik ataqtatigiisumik aaqqissuussap pissarsiarivinnissaa qaammatinik pingasunik sioqqullugu kingusinnerpaamik nalunaarutiginninneq pissaq.

§ 20. Allakkat toqqorsivimmiititat toqqortarinerinut suliarinerinullu pisortat sullissiveqarfutaat annertuumik allannortitsippat, soorlu toqqorsivik nutaaq atulerniarlugu, allannguut atuutilersinnagu qaammat ataaseq sioqqullugu Nunatta Katersugaasivianut Allagaateqarfianullu nalunaarutigineqassaaq tassanngalu akuersissutigineqarluni.

§ 21. Nalunaaruteqarnermut akuersissuteqarnermullu ingerlatseriaatsimut atatillugu pisortat sullissiveqarfutaat allakkamik naammaginarluartumik tunniussissaaq aamma Nunatta Katersugaasivianit Allagaateqarfianillu tamanna pillugu qinnuteqareerneratigut paasissutissanik naleqquttunik nassiussissaaq.

§ 22. Nalunaaruteqarneq Nunatta Katersugaasiviata Allagaateqarfialu immersugassat innersuussutai aamma ingerlatseriaatsimut tassunga Nunatta Katersugaasiviata Allagaateqarfialu aalajangersagai naapertorlugit pissaaq. Nunatta Katersugaasiviata Allagaateqarfialu nittartakkamini, immersugassat suut atorineqassanersut, nalunaarutiginninnermi akuersissuteqarnermilu ingerlatseriaatsit aamma nalunaaruteqarnermut killigititaq, tamanut saqqummiuppai.

Kapitali 4

Tunniussineq

§ 23. Allakkat toqqorsivimmiititat ukiunit 15-init pisoqaanerusut pisortallu sullissiveqarfutaata sulinerani atorussaajunnaartut Nunatta Katersugaasivianut Allagaateqarfianullu tunniunneqassapput. Pisuni immikkut ittuni aamma Nunatta Katersugaasivianut Allagaateqarfianullu isumaqatigiissuteqarnikkut tunniussineq piffissami allami pisinnaavoq.

Imm. 2. Tunniussinissap tungaanut pisortat suliffeqarfutaat allakkanik toqqorsivimmiititaminnik illersorneqarsinnaasumik toqqortarinninnissaminut pisussaapput.

Imm. 3. Pisortat sullissiveqarfutaat atorunnaarsinneqarpat taassuma toqqortaataasa pisoqaassusaat apeqqutaatinnagu tunniunneqartassapput, pisortat sullissiveqarfutaannit allamit suliassaqarfimmik tiguisussamit atorineqassanngikkunik.

§ 24. Allakkat toqqorsivimmiititat tunniunneqarnerminni torersarneqarsimassapput, poortorneqarsimallutik, nalunaaqutserneqarlutik qulequtsorneqarsimassallutillu aammalu suliat ataasiakkaat pisariaqanngitsortaat peerneqarsimassallutik, kisianni takuuk imm. 2.

Imm. 2. Allakkat toqqorsivimmiititat pisortat sullissiveqarfutaata sullissiveqarfimmit atorunnaartumit tigusa, tiguneratut pissuseqartillugit tunniunneqarsinnaapput.

Imm. 3. Pisortat sullissiveqarfutaat tunniussisoq tunniussinermi aningaasartuutinik tamanik akiliissaaq.

§ 25. Allakkat toqqorsivimmiititat allagartaasa tunniussinermi tunniussineq sioqqullugu pisortat sullissiveqarfutaata tunniussinermut piareersaaneq suliarissavaa, ilaassappullu:

- 1) atorut paarineqartussaangitsut immikkoortinneqassapput,
- 2) allakkat toqqorsivimmiitanut ajoqusernerusinnaasut iluarsaaneq,
- 3) Nunatta Katersugaasiviata Allagaateqarfialu innersuussinermi malillugit allakkat toqqorsivimmiititat poortorneqassapput nalunaaqutserneqarlutillu,

- 4) suliassap salinnera, imaappoq allakkanit toqqorsivimmiititanit savimerngit plastikkillu piiarneri aamma
5) allakkanut toqqortaasivimmiititanut uppersaanerup suliarineri.

Imm. 2. Qanoq eriagisariaqartigineranut tunngatillugu tamanna eqqarsaatigineqassappat, imm. 1-imi piumasagaatinut Nunatta Katersugaasivia Allagaateqarfialu immikkut akuersissuteqarsinnaapput.

§ 26. Allakkat toqqortaasivimmiititat elektronikkusut tunniunneranni, pisortat sullissiveqarfutaata allagaateqariaatsit iluseqarluni tunniussisoqarnissaa qularnaassavaa. Tamanna paasissutissanut allakkatigut uppersaasatit, nipit, videot assitigullu atortut eriagisariaqartunut atuuppoq.

Imm. 2. Nunatta Katersugaasiviata Allagaateqarfialu eriagisariaqarsinnaaneq pissutigalugu, allakkat toqqorsivimmiititat allagartaasa allagaateqariaatsit iluseqarlutik toqqortaatigineqarnissaat, aalajangersarsinnaavaa.

Imm. 3. Nunatta Katersugaasiviata Allagaateqarfialu eriagisariaqarsinnaaneq imaluunniit naleqquttumik pissuteqarluni allagaateqariaatsip tunniunneqarnissaa pillugu piumasagaammik immikkut akuersissuteqarsinnaavoq taarsiullugu atortussat allatut ilusilerlugit tigusinnaallugit, assersuutigalugu qarasaasiamit pappiaranngortitatut.

§ 27. Allagaateqariaatsimit paasissutissat eriagisariaqartut Nunatta Katersugaasiviata Allagaateqarfialu piffissani aalajangersagaani tunniunneqassapput. Tunniussinissamut piffissat Nunatta Katersugaasiviata Allagaateqarfialu nittartagaani tamanut saqqummiunneqassapput.

§ 28. Allakkat toqqortaatigineqartut tiguneqarpata, Nunatta Katersugaasiviata Allagaateqarfialu tighunerinut uppersaasat nalunaarutigissavaa. Nalunaarummi § 29 malillugu tigusineq akuersissutiginninnerunngilaq.

§ 29. Allakkat toqqorsivimmiititat aatsaat tunniunneqartutut isigineqassappat, tunniussineq Nunatta Katersugaasiviata Allagaateqarfialu akuersissutigippagit.

Imm. 2. Allakkat toqqorsivimmiititat allagartaasa tighunerini paasineqarpat, tunniussinermut piareersaanermik suliaq naammassineqarsimanngippat, takuuk § 25, amigaatit paasineqartut sullissiveqarfimmit tunniussisumit imaluunniit sullissiveqarfup akiligassaanik iluarsineqassapput.

Imm. 3. Elektronikkimik allakkat toqqorsivimmiititat tighunerani paasineqarpat, allagaateqariaatsip tamatumunga malittarisassai naammassinninngitsut, takuuk §§10-13, allagaateqariaatsimi amigaataasut sullissiveqarfimmit tunniussisumit imaluunniit sullissiveqarfup akiligassaanik iluarsineqassapput.

§ 30. Allagaateqariaatsip tunniunnerata kingorna paasissutissat tunniunneqartut nuutinneri uppersaasatit suliallu aaqqissuunneqarnissamut (oqaluttuarisaanermut paasissutissaateqarfik) matoqqappata sullissiveqarfup tiggummiinnarsinnaavai.

Imm. 2. Paasissutissaateqarfup oqaluttuassartaa taamaallaat toqqorsimaneqassaaq inatsimmi ilaani allami peerneqarnissaanut piffissamut killigititanut akerliunngippat. Pisortat sullissiveqarfutaata paasissutissaateqarfisa oqaluttuassartaasa inatsisip ilaani allami peerneqarnissaannut killigititat naapertorlugit peerneqarnissaat qularnaassallugu akisussaaffigaa.

Atorunnaarsitsineq

§ 31. Allakkanik toqqorsivimmiititanik atortussaajunnaarsitsineq tulleriiarluakkamik suliarineqarluni sunniuteqarluartumillu naammassineqassaaq, taamaalilluni isumalluutit, toqqortaateqarnermut atatillugu atorineqarnerat naleqqunnerpaamik atorluarneqaqqullugu.

Imm. 2. Allakkanik toqqorsivimmiititanik atortussaajunnaarsitsineq aatsaat pisinnaavoq, allakkat toqqorsivimmiititat allaffissornikkut eqqartuussivikkulluunniit innuttaasumut oqartussaasumulluunniit pingaarutaaruppata aamma toqqortaateqartussaanerut tunniussinissamulluunniit inatsit alla malillugu naammassineqarpat.

Imm. 3. Suliap suliareqqitassanngornerani, aqutsinermut oqartussaasumut allamut naammagittaalliuut, ombudsmandimut naammagittaalliuut imaluunniit eqqartuussivinni suliassanngortitsineq, suliareqqitassanngortitsineq, naammagittaalliuut imaluunniit eqqartuussivimmi suliarinninnerup naammassinissaa sioqqullugu atorunnaarsitaassanngilaq.

§ 32. Pisortat suliffeqarfisa allakkat uppersaatait makkua piumasaminnik atortussaajunnaarsissinnaavaat, taamaattoorli takuuk imm. 2 aamma § 31, imm. 2:

- 1) Naatsorsuutitut bilagit.
- 2) Naatsorsuutitut atortussat allat, ukiunik tallimanik pisoqaanerusut.
- 3) Illuutitut tunngasunik ingerlatsineq, atortut pilersuinerillu pillugit suliat.
- 4) Allaffissornermut pissutsitut, matumani maskiinanut kiisalu pequtitut tunngatillugit suliassat.
- 5) Allakkat uppersaatait, Nunatta Katersugaasiviata Allagaateqarfialu elektronikkimik ataqtatigiisumik aqqissuussamik akuerisaanik scannerneqartut.
- 6) Atortussat katersat, taamaallaat pissarsiarineqartut elektronikkimik nalunaarsuiffinnut, paasissutissaateqarfinni il.il. paasissutissatut qarasaasiamik suliarineqarnissat siunertaralugu (paasissutissat qarasaasiap suliassai).
- 7) IT-mik ataqtatigiisumik aqqissuussamik allaganngortitat katersat, taamaallaat allagarsiinermi, paasissutissiinermi nakkutilliinermilu atorineqartut (paasissutissat edb-mi ataqtatigiisumik aqqissuussamik suliarineqartut).
- 8) Atortussat saqqummiussat, matumani ilanngullugit atuagaaqqat, internetimit pappialanngortitat, suliamik ingerlatsinissamut pissutissaqalersitsinngitsut.
- 9) Atortussat allat, paasissutissatut tigusat, aamma suliamik ingerlatsinissamut pissutissaqalersitsinngitsut.
- 10) Oqartussaasut saqqummiussaasa sanaartorneritut atortussat, matumani ilanngullugit internetimi nittartakkat.
- 11) Nuutitsinerit sinneruttut, allakkanik uppersaataasunik pappiaranngortitsinerit sinneruttut.

Imm. 2. Allakkut atorunnaarsitsineq Nunatta Katersugaasiviata Allagaateqarfialu tassunga najoqqutassat aalajangersagai naapertorlugit pissaaq. Najoqqutassat Nunatta Katersugaasiviata Allagaateqarfialu nittartagaani matumani ilanngullugit najoqqutassiat taamaallaat pisortat sullissiveqarfutaannut tamanut saqqummiunneqassapput.

§ 33. Elektronikkikkut allakkanik toqqorsivimmiititanik tunniussinermut atatillugu Nunatta Katersugaasiviata Allagaateqarfialu nalilissavaa, digitalimik paasissutissat suut atatiinnarneqassanersut,

suullu atortussaajunnaarsinneqassanersut.

Imm. 2. Pisortat sullissiviffeqarfiutaanni IT-mik ataqatigiisumik aaqqissuussami paasissutissanik atortussaajunnaarsitsilluni peersisoqassanngilaq allagaateqariaasinngorlugit paasissutissat Nunatta Katersugaasiviata Allagaateqarfialu tunniunneqartinnagit imaluunniit suliassamut tunniussinermut atatillugu Nunatta Katersugaasiviata Allagaateqarfialu atorunnaarsitsinissaanut aalajangiunneqarsimappata, taamaattorli takuuk § 34.

Imm. 3. Nunatta Katersugaasivia Allagaateqarfialu imm. 2-mi piumasaqaatigineqartunut immikkut ittumik akuersissuteqarsinnaapput, tunniussineq sioqqullugu allakkanik toqqorsivimmiititanik toqqorsinissamut atorunnaarsitsinissamullu naliliinissamut, tamanna pillugu pisortat sullissiveqarfiutaata sullissiveqarfiup toqqorsinissamut inissakilliorneq tunuliaqutaralugu qinnutigippagu.

§ 34. Atorfinnut qinnuteqaatit, atorfinitsitaanngitsoornermik kinguneqartut, ukioq ataaseq toqqortarineqassapput, tamatumalu kingorna atortussaajunnaarsinneqassapput, taamaattorli takuuk § 31, imm. 3.

§ 35. Allakkat toqqorsivimmiititat, Nunatta Allagaateqarfianit atorunnaarsitsinissamut aalajangiunneqartut, Nunatta Allagaateqarfianut tunniunneqarsinnaanngillat.

Imm. 2. Allakkat toqqorsivimmiititat atorunnaarsitassanngortitat aarlerinanngitsumik periuseqarluni aserorterneqarnissaat oqartussaasut suliffeqarfisa qularnaassavaat.

Imm. 3. Allakkat toqqorsivimmiititat, paasissutissaateqarfiup oqaluttuassartaata ilaatut inissisimasunut, takuuk § 30, imm. 2-mi aserorterinissaq pillugu piumasaqaammut ilaanngillat.

Kapitali 6

Nakkutiginninneq pineqaatissiinissamullu aalajangersakkat

§ 36. Nunatta Katersugaasivia Allagaateqarfialu Allagaateqarfeqarneq pillugu Inatsisartut inatsisaata eqqortinneqarnissaannik nakkutiginnittuuvoq, nalunaarut manna najoqqutassallu, nalunaarut aamma allagaateqarnermut malittarisassat naapertorlugit Nunatta Katersugaasiviata Allagaateqarfialu atortuulersippai.

Imm. 2. Nunatta Katersugaasivianut Allagaateqarfianullu, nakkutiginninnerup suliarinissaanut pingaarutilinnik, paasissutissanik taamaattunik tamanna pillugu qinnuteqarneq malillugu Pisortat sullissiveqarfiutaat tunniussisassapput

Imm. 3. Pisortat sullissiveqarfiutaannik allagaateqarnermut malittarisassanik qaangiinnaasoqarnera paasineqarpat, sullissiveqarfik malittarisassanik naammassinneqqullugu aaqqiissuteqarnissaanik Nunatta Katersugaasiviata Allagaateqarfialu peqqusinnaavaat.

Imm. 4. Nunatta Katersugaasiviata Allagaateqarfialu allagaateqarnermut malittarisassanik annertuumik qaangiinnaasoqartillugu pisortat sullissiveqarfiutaata oqartussaasutut qullersarisaanut imaluunniit oqartussaasutut nakkutilliisumut nalunaarutigissavaat, aamma Kultureqarnermut Naalakkersuisoqarfimmut ilisimatitsissutigissavaat.

§ 37. Nalunaarummi aalajangersakkat atugarisaasut § 17, imm. 1 malillugu nalunaarutigineqartut aamma § 10, imm. 5, § 22 aamma § 32, imm. 2 malillugu Nunatta Katersugaasivianit Allagaateqarfianillu

najoqqutassat atuutsinneqartut unioqqutinneqarpata akiliisitaasussanngortitsisoqarsinnaavoq.

Imm. 2. Inatsisitigut akisussaasut Kalaallit Nunaanni pinerluttulerinermi inatsimmi maleruagassat malillugit akiliisussanngortinneqarsinnaapput.

Imm. 3. Akiliisitsissutit Nunap Karsianut tutsinneqassapput.

Kapitali 7

Atuutilersitsinermut atorunnaarsitsinermullu aalajangersakkat

§ 38. Nalunaarut ulloq 1. oktober 2016 atuutilissaaq

Imm. 2. Katersugaasiveqarnermut Allagaateqarfeqarnermullu ataatsimiititaliap suleriaasissaa pillugu Namminersornerullutik Oqartussat nalunaarutaat nr. 2, 26. januar 1996-imeersoq, Katersugaasiveqarnermut Allagaateqarfeqarnermullu ataatsimiititaliami katersugaasiviit akuerineqarsimasut sinniisaasa qinerneqartarnerat pillugu Namminersornerullutik Oqartussat nalunaarutaat nr. 3, 26. januar 1996-imeersoq aamma Namminersorlutik Oqartussat nalunaarutaat nr. 22, 21. september 2016-imeersoq atorunnaarsinneqarput.

Namminersorlutik Oqartussat, ulloq 26. september 2016

Nivi Olsen

/

Mikael Kristensen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut

